

宋

會

要

百篇

國朝不設此科來應者即命試太宗太平興國五年
四月八日應百篇趙國昌始自陳求試帝御便殿親出
五言四句詩為題云松風雪月天花竹雲鶴烟詩酒春
池雨山僧道柳泉凡二十字為五篇篇率四韻國昌至

晚僅成數十首皆無可取帝欲激勸後學故特賜及第
仍詔今後應此科者約此題為式呂原明雜記自唐來
有應百篇舉者每詩一篇二韻但日力能辦即中選太
宗時總為二題以試之日夫子七十二賢賢賢何德光
武二十八將將何功皆不能措辭遂廢此科 真宗
景德三年八月十七日召應百篇太子右贊善大夫張
化基赴中書試百題至日晡僅成六十五篇罷之以上
國朝會要：後三書無此門

全唐文

續宋會要 四歲 童子試

林公洽四歲誦六經語孟孝經御製史贊詩賦碑銘等凡十種 林公潤
四歲誦易書詩三禮篇名論語孝經春秋御製詩賦碑銘子歷代古賢
傳及雜文批語等武侯方局碑凡二十一種能開弓發箭

續宋會要 六歲

林公滋六歲誦詩書易周禮禮記篇名春秋隱桓莊閔僖文六公論語孝
經御製詩賦碑銘及雜文講書禮記論孟孝經大義書針切韻凡三十五
種

續宋會要 七歲

何致遠七歲誦六經語孟孝經孫子吳子御製詩論畫卦太元得虛圖探
大衍太元書虛數排八陣品推河圖洛書數能寫大字開弓發箭凡四十
九種 黃矩七歲誦六經語孟凡八種 杜元定七歲背誦六經語孟孝
經

續宋會要 八歲 九歲 十歲

林公江九歲誦尚書毛詩周易周禮禮記春秋語孟孝經凡九種 鄭台

孫九歲誦尚書周易毛詩周禮禮記春秋語孟凡八種 唐應龍九歲全誦九經

續宋會要十一歲

畢應龍十一歲背誦六經語孟

續宋會要五歲

趙斌五歲誦易書詩周禮語孟孝經禮記篇名御製習序諸家雜文凡二十種

羅鈞五歲誦六經語孟孝經御製詩賦畫卦切韻書字凡二十種

沐公澤五歲誦詩書易周禮子書篇名春秋左傳序孟子孝經御製背跋記詩賦及雜文又通孝經大義畫卦書字切韻凡四十一種

續宋會要八歲

張桀八歲背誦六經語孟孝經及講說語孟尚書大義

葉行之八歲誦周易尚書毛詩周禮禮記春秋語孟孝經凡九種

林岳八歲誦六經語孟孝經御製詩簡能解毛詩全義及關弓發箭凡二十種

續宋會要十歲

盧端夫十歲全誦六經語孟及講說春秋論語孟子孝經
林梅十歲試春秋義三道終場合格挑試九經講說春秋
胡仲龍十歲皆誦六經

郭本誠本歲背誦九經及講說尚書大義

卞昨十歲誦毛詩尚書周易周禮禮記春秋論孟凡八種
乞時習十歲皆誦九經講說論語孟子梁惠王上下篇

試官

太宗太平興國元年十二月一日命太子中允直

舍人院張洎右補闕石熙載考試諸州所貢進士戶部
郎中侯陟贊善大夫侯陶太子中舍陳鄂考試諸科舉
人 三年八月八日命兵部員外郎劉蕙太子中允直
舍人院張洎左贊善大夫郭贊考試諸州特解送舉人
雍熙二年正月十八日以翰林學士賈黃中等權知
貢舉水部員外郎閻象春秋博士表逢吉毛詩博士解
損秘書丞張雍著作郎杜新殿中丞趙化右贊善大夫

吳淑著作郎杜鎬大理寺丞王炳國子監丞楊文舉等
試諸科舉人 二月二十五日詔左諫議大夫滕中正
兵部郎中楊徽之屯田郎中孔承恭同試知貢舉官親
戚賈黃中等同知貢舉各以子弟甥姪籍名求別試將
蘇易簡妻兄進士崔範故職方員外郎憲之子也憲死
易簡以外服請告範服未闋闋易簡隱而不奏薦名在高
等又有王千里者故水部員外郎孚之子也孚在蜀為
為翰林學士易簡父協即孚之門生易簡以故薦千里
太宗聞之甚怒範及千里並加罪仍令御史劾易簡
還私第乃罷知制誥端拱元年五月二十七日命直史
館王世則國子博士李覺秘閣校理杜鎬重考試進士

諸科舉人

淳化三年正月六日以翰林學士承旨蘇

易簡等權知貢舉易簡等以貢舉重柄義在無私受詔之日五人便赴尚書省鏤宿更不歸私第以杜絕請託物論嘉之 二月一日命直昭文館趙化成張秉石贊善大夫畢道昇同考試知貢舉官親戚舉人 至道三年九月二十一日命直集賢院李建中直史館盛旼太常丞陳堯佐考試開封府舉人直史館路振殿中丞杜壽隆考試國子監舉人 真宗咸平元年正月十九日以翰林學士給事中楊礪等權知貢舉對於崇政殿升殿賜座帝諭之曰貢舉重任當務選擢寒俊精求藝業以副朕心礪等拜謝而退 六月三日密州發解官鞠

傳則薦送非其人准法罰銅九斤詔特停見任仍令進

奏院傳報諸路以成官吏 九月十六日淄州鄒平縣

令正可象坐考試舉人受錢三萬法當絞詔貸死決杖

配少府監役知州通判各停官帝曰官吏如此何以東

拔寒俊令刑部別定條制以聞 二十五日以三司度

支判官馮拯直史館孫冕史館檢討杜鎬太常丞歐陽

隨同考試開封府舉人直史館曾致堯考試國子監舉

人 二十八日詔遣官試開封府國子監發解官親戚

舉人政事二司交互考試帝慮涉情弊故再命官焉二

年正月十日以禮部尚書溫仲舒等知貢舉刑部員外

郎董龜正太常博士王陟同試舉人及封印卷首仍當

日入院

二月二日命殿中侍御史譚堯叟鹽鐵判官

度支員外郎鮑中和於太常寺試知貢舉官親戚舉人

四月二十六日命直史館劉蒙叟曾致堯直昭文館

尹少連祕閣校理刀衍於武成王廟考試河北及青齊

等州舉人

九月二十七日命直祕閣黃夷簡直史館

劉蒙叟直集賢院劉騶考試開封府舉人直祕閣潘慎

修直史館孫何考試國子監舉人所要小試官各令舉

奏四年九月二十六日命直集賢院田錫梅詢直史

館孫冕考試開封府舉人直史館劉蒙叟直集賢院李

建中考試國子監舉人蒙叟兄亡以直史館陳堯佐代

十二月二十二日以翰林學士晁迥等權知貢舉既

受命帝召對論以取士之意務在至公擢寒俊有藝者
仍別命官封印卷首令考定合格者進入當遣人覆考
帝又曰外言薦囑舉人者先以姓名達兩制詞臣卿等
受得當速還之入院後如有簡札請求者並即時以聞

二十三日命監察御史嚴穎張士遜監貢院門知制
誥周起祠部員外郎滕元晏封印卷首殿中丞李道監
封印院直集賢院任隨著作佐郎陳覃點檢進士程文
大理寺丞馬龜符江瑩張有則光祿寺丞田航開封府
法曹叅軍韓允左軍巡判官郝耀考試諸科程試景
德二年正月二十八日命侍御史鞠仲謀直史館陳彭
年於國子監考試知舉官親戚舉人四月一日命直

史館張復何亮考試知舉官親戚河北舉人四年九月十三日命殿中侍御史王好古太常丞王曉直史館李迪考試開封府舉人直集賢院劉鴈任隨考試國子監舉人太中祥符元年三月十九日詔給事中張秉直史館陳知微王隨三司戶部判官殿中丞滕涉校勘圖經官秦唐佐李垂王夷簡劉爽錄宿於御書院覆考禮部不合格特奏名進士諸科舉人試卷遣中使監視八月命殿中侍御史王好古直集賢院劉鴈太常丞判三司催欠憑由司王曉直史館李迪同考試開封府國子監舉人好古等解送舉人有初場十否者准法常停官會赦第降諸州監當自是諸州軍率以為例二年

四月二十一日命直史館高紳與國子監同考試解送
經明行修服勤詞業舉人 五月十五日命工部侍郎
張秉知制誥周起於武成王廟試開封府國子監充鄆
澶濮州解送服勤詞學經明行修舉人 六月十一日
命工部侍郎馮起給事中薛英龍圖閣待制戚綸陳彭
年於祕閣鑠宿覆考試院所進試卷 四年十月七日
命直史館盛元劉錯直集賢院初暉同考試開封舉人
直集賢院錢易祕閣校理王昱同考試國子監舉人易
昱後坐誤送諸科十否者降諸州監當十三日命右諫
議大夫謝伋知制誥王曾考試服勤詞學經明行修舉
人 十一月十二日詔自今知貢舉及發解官並令門

辭遣官伴送入院鎖宿不得更求上殿及進呈題目

五年正月四日以翰林學士晁迥等權知貢舉知制誥朱選屯田郎中判三司開拆司尚賓同知封印院直史館劉鍇太常博士孫冲監貢院門右司諫陳絳監給試卷職方員外郎徐泌直史館楊岵覆考試卷比部員外郎梁吉崇文院檢討韓允國子監直講王昭明夏侯戡王世昌馮元考試諸科又遣內侍二員承受奏報帝作七言詩賜迥等 九月毛詩學究王元慶自陳所試一通粗有司定作十否當殿三舉有詔案驗如所陳考試官前寧州司法參軍國學說書王世昌特勒停知舉官翰林學士晁迥等特罰銅三十斤 七年七月五日

命直集賢院楊侃崇文院檢討馮元考試開封府服勤
詞學舉人集賢校理宋程考試國子監服勤詞學舉人

八月十七日命翰林學士王曾知制誥錢惟演於武
成王廟試經明行修服勤詞業舉人 二十三日詔今

後所差考試發解并知舉官等宜令閤門候勅出召到
畫時令閤門祇候引伴指定去處鑠宿更不得與臣僚
相見言話如違仰引伴使或閤門彈奏並當重行朝典
如候鞍馬未至即閤門立便於左驕驥院權時供惜先
是王曾等授勅知貢舉與李維偶語於長春殿閤子至
審刑院伺候鞍馬遲留久之押伴閤門祇候曹儀慮其
請囑因以上言即令曹惟演分析與李維詞同特放曾

等乃有是詔七年九月二十五日命金部郎中李虛已
直史館麻溫舒集賢校理宋程考試開封府舉人直集
賢院張象中祕閣校理慎鏞考試國子監舉人八年
二月六日詔禮部貢院官暴得疾者委監門使臣舉無
干礙官視其所苦速令歸第天禧二年九月十二日
命七田員外郎判度支勾院任布直集賢院徐奭麻溫
其考試開封府舉人直集賢院楊侃丁度考試國子監
舉人直史館張復太常寺別試親戚舉人布等後以解
送不當遞降諸州監當復罰銅三十斤三年正月九日
以翰林學士錢惟演等權知貢舉命國子監直講馬龜
符刑部詳覆官王名與御名音同大理寺丞張嶠大理

寺詳斷官趙繼武國子監說書盧自明馮誠為考試官
戶部員外郎無太子右諭德魯宗道直龍圖閣馮元封
印卷首祕閣校理李垂國子監丞王準點檢試卷集賢
校理陳寬館閣校勘晁宗慤覆考諸科試卷直史館陳
從易國子博士李成務考試知舉官親戚舉人 二月
十四日禮部下第舉人陳損詣登聞鼓院訴貢舉不公
詔龍圖閣學士陳堯咨左諫議大夫朱巽起居舍人呂
夷簡等於尚書都省各損等令具析所陳事理及索視
文卷看詳考校定奪以聞繼而進士黃異等復訟武成
王廟考試官陳從易不公詔堯咨等如前詔詳定堯咨
等言禮部所送進士內五人文理稍次武成王廟進士

內二人文理荒繆損等所訟亦有虛妄詔損異等決杖配隸連狀人並殿兩舉惟演等降一官四年四月七日命直集賢院石中立蔡齊同考試開封府經御試舉人七月四日命直集賢院石中立錢易考試諸州續解到舉人九月六日命翰林學士劉筠直龍圖閣馮元於武成王廟考試諸州續解舉人又命知制誥祖士衡覆考仁宗天聖元年閏九月十二日命侍御史高弁職方員外郎判三司開拆司吳濟直集賢院胥偃考試開封府舉人監察御史王軫封彌卷首殿中侍御史王碩直史館張觀考試國子監舉人直史館章得象太常寺考試親戚舉人監察御史張億封印卷首升等後

坐所舉人某卷及莽自解策詞同進士疑誤升降兩官
濟偃軫各降一官諸州監當二年正月二十一日以御
史中丞劉筠等權知貢舉龍圖閣待制滕涉判三司戶
部勾院刑部郎中李若谷封印卷首筠等言乞差覆考
官及別令近上臣僚詳定帝曰朝廷文柄比是委選近
臣若別令覆考乃是過有規避但令筠等依公考試又
請差校理陸軫聶冠卿李宥校勘彭乘充點檢試卷官
及下審官院差巡鋪官六員從之 二十三日命三司
戶部判官祠部郎中杜詹祕閣校理李垂太子中允趙
固考試知舉官親戚舉人 四年八月十四日命直集
賢院鄭向直史館張觀監察御史王公考試開封府舉

人祕閣校理王準監察御史張頌考試國子監舉人殿
中侍御史張億封彌卷首宰臣王曾等言自有唐以來
慎選儒臣授以文柄可否進退委自收司或陞黜之間
不副公議即覆行考試嚴加懲責比來條目繁密關防
周至善則善矣然於推心責成東賢拔俊之理恐未允
愜今言事者必曰此皆先朝舊規不可輕議改革殊不知
先帝孜孜選士務要盡公思皇之念本不如此蓋當時
近臣不悉淵衷固知大體有此譬畫更乞聖慈漸次
體當事理他後別加詳定五年正月十二日以樞密直
學士劉_筠等權知貢舉殿中丞劉革大理寺丞王宗道賈
昌朝公孫覺衛尉寺丞王康國子監直講郭稹充考試

官集賢校理王舉正李宥錢仙芝李昭邁館閣校勘彭
乘點檢試卷工部侍郎趙楨監察御史鞠詠充封印卷
首集賢校理陳寬祕閣校理謝絳為封印院覆考官御
史知雜王駿太常博士蕭貫武成王廟考試知舉親戚
舉人太常博士孫昱集賢校理劉立禮充武成王廟覆
考官 七年八月十一日命殿中侍御史張逸直史館
高鍊宋祁考試開封府舉人殿中侍御史陳琰封彌卷
首殿中侍御史張逸祕閣校理吳遵路考試國子監舉
人屯田員外郎司馬池封彌卷首集賢校理錢仙芝祕
閣校理范仲淹考試親戚舉人屯田員外郎王渙封彌
卷首 八年正月十四日以資政殿學士晏殊等權知

貢舉殿中侍御史張存屯田員外郎張旨監門集賢校
理李宥館閣校理王琪國子監直講宋祁大理寺丞凌
景陽充點檢試卷審刑院詳議官馬尋崇文院檢討王
宗道國子監直講王金大理寺詳斷官劉隨楊安期國
子監直講楊中和充諸科考試官集賢校理葛昂王湜
充封印覆考官右司監范諷監察御史崔暨封印卷首
集賢校理陸軫開封府推官張夏殿中丞趙固武成王
廟考試知舉官親戚舉人 明道二年八月十二日命
三司鹽鐵判官楊日華直史館鄭戢開封府推官明鎬
考試開封府舉人侍御史郭勸封印卷首度支員外郎
邊調直集賢院劉沆考試國子監舉人集賢校理趙良

規封印卷首 景祐元年正月十六日以翰林學士章
得象等權知貢舉侍御史蔣堂石正言滕宗諒封印卷
首直史館張子皋集賢校理陳商充覆考官侍御史楊
偕直集賢院王舉正崇文院檢討王宗道考試知舉官
親戚舉人直集賢院韓琦充覆考官 四年八月十三
日命殿中侍御史蕭定基直集賢院韓琦吳育王拱辰考
試開封府舉人侍御史程戡集賢校理李宥直史館蘇
紳考試國子監舉人直集賢院修起居注聶冠鄉集賢
校理楊偉張宗古武成王廟考試親戚舉人 五年正
月十八日以翰林學士丁度等權知貢舉三司度支副
使姚冲孫殿中侍御史裏行方偕貢院彌封卷首 二

十三日命集賢校理郭稹直史館同修起居注葉清臣
考試親戚舉人 慶厯元年八月八日命侍御史魚周
詢工部郎中馬絳集賢校理楊偉司封員外郎齊廓太
常寺博士于房國子監直講趙師民考試開封府舉人
侍御史掌禹錫集賢校理李宥嵇穎考試國子監舉人
集賢校理同修起居注梁適屯田員外郎曾公亮祕書
丞周沆考試親戚舉人 二年正月十二日以翰林學
士聶冠鄉等權知貢舉龍圖閣學士孫祖德直集賢院
田況封彌卷首天章閣侍講楊中和集賢校理陳經國
子監直講范鎮李嶠孫錫太子中舍盧士宗大理寺丞
竄軻張宗言鄒定吳奎趙僅大理評事葛闕充考試官

十八日以直集賢院知諫院張方平集賢校理歐陽
修考試知舉官親戚舉人 五年八月三日命監察御
史包拯集賢校理張郊何中立考試開封府舉人監察
御史孫抗集賢校理彭乘天章閣待講趙師民館閣校
勘范鎮考試國子監舉人殿中侍御史梅摯集校理楊
儀考試錄廳舉人 六年正月十四日以翰林學士孫
抃等權知貢舉侍御史仲簡三司度支判官周陵封印
卷首王疇葛閣邵必曾公定王安石王淑察振沈康充
點檢試卷官韋堯輔孟開張師顏許遵寧軻充諸科考
試官 二十二日命祠部員外郎錢象先祕閣校理李
惲裕考試知舉官親戚舉人 七年八月十一日命集

賢校理掌禹錫直集賢院修起居注李絢直集賢院韓絳集賢校理吳充同考試開封府舉人殿中侍御史何郊尚書屯田員外郎王疇祕閣校理楊石休集賢院王珪同考試國子監舉人集賢校理孫錫祕閣校理李大臨同考試鏤廳舉人錫大臨坐奏名舉人詩有落韻者降諸州監當皇祐元年正月十二日以翰林學士趙概等權知貢舉侍御史李充直史館張耒封印卷首范鎮司馬光解賓王蔡杭江中孚陳洙張芻充點檢試卷官陳中立畢田侯僅黃從政趙如昌任顯忠王維熙江援充諸科考試官 二十三日命集賢校理李昭遵監察御史陳升之考試知貢舉官親戚舉人 四年八月五

五日命監察御史吳祕集賢校理馮浩曾公定館閣校勘邵亢考試開封府舉人監察御史梁舊集賢校理趙宗古賈黯謝仲弓考試國子監舉人集賢校理司馬光范鎮江休復考錄廳舉人五年正月十二日以翰林學士王拱辰等權知貢舉起居舍人知諫院韓贄直龍圖閣薛紳封印卷首太常博士黃洎祕書丞宋敏修大理評事韓維國子監直講裴煜編修唐書官呂夏卿充點檢試卷官天章閣侍講盧世宗屯田員外郎王元亨太常博士王維熙國子博士王九思大理寺丞傅亶充諸科義考試官二十三日命直史館唐詢集賢校理孫錫考試知舉官親戚舉人嘉祐元年七月十三日

命侍御史范師道直祕閣王疇集賢校理胡俛韓宗彥
王權宋敏求考試開封府舉人右司諫馬遵集賢校理
沈遘祕閣校理李紘史館檢討韓維考試國子監舉人
集賢校理陸詵群牧判官太常博士王安石考試鑠廳
舉人 二年正月五日以翰林學士歐陽修等權知貢
舉天章閣侍講盧士宗集賢校理張師中封印卷首館
閣校勘張洞王儼充覆考官梅堯臣張子諫張唐民董
儻吳秉鮮于旼充點檢試卷張師顏劉坦李昌言孫固
崔台符充諸科考試官 十五日命直集賢院祖無擇
集賢校理錢公輔考試知貢舉官親戚舉人 三年八
月十二日命侍御史朱處約太常博士祕閣校理陳襄

集賢校理錢公輔史館檢討韓維考試開封府舉人集
賢校理江休復沈遘邵亢祕閣校理李紱考試國子監
舉人祕閣校理吳及集賢校理滕甫考試鍊廳舉人
四年正月十一日以翰林學士胡宿等權知貢舉國子
監直講吳申牟景先祕書丞齊惲大理寺丞王廣淵充
點檢試卷官集賢校理司馬光鄭獬考試知舉官親戚
舉人 五年八月六日命右司諫趙抃直集賢院王安
石鄭獬集賢校理滕甫考試開封府舉人殿中侍御史
陳洙直祕閣司馬光祕閣校理李大臨集賢校理楊繪
考試國子監舉人左正言王陶祕閣校理裴煜考試鍊
廳舉人 六年正月八日以翰林學士王珪等權知貢

舉殿中侍御史呂誨太常博士齊惲封印卷首 十四
日命祕閣校理陳襄集賢校理蘇頌考試知舉官親戚
舉人 七年正月八日命侍御史韓縝直集賢院同修
起居注鄭獬集賢校理邵亢楊繪陸經考試開封府舉
人侍御史陳經祕閣校理李紱雍子方館閣校勘鄭穆
孫洙考試國子監舉人右正言王陶集賢校理同修起
居注錢公輔考試鑠廳舉人 八年正月七日以翰林
學士范鎮等權知貢舉權三司鹽鐵判官楚建中監察
御史傅堯俞貢院封印卷首 二十一日命集賢校理
王權陳繹考試知舉官親戚舉人 英宗治平元年七
月十七日命殿中侍御史趙鼎集賢校理王權李紱張

洞館閣校勘孫洙考試開封府舉人直集賢院韓維祕
閣校理文同錢藻編校史館書籍孫覺考試國子監舉
人監察御史林大年祕閣校理陳襄考試鑠廳舉人
二年正月九日以翰林學士馮京等權知貢舉龔鼎臣
封印卷首劉攽顧臨黃履王存王覲充點檢試卷官張
師顏傅卞蔡冠卿孫固朱公綽王廣廉充諸科考試官
集賢校理宋敏求滕甫考試知舉官親戚舉人 三年
八月七日命監察御史蔣之奇祕閣校理陳襄竇卞曹
鞏國子監直講劉攽考試開封府舉人修起居注滕甫
直集賢院章衡集賢校理鄭穆考試國子監舉人殿中
侍御史吳中集賢校理孫覺考試鑠廳舉人以上國朝

會要治平四年正月二十五日神宗即位未改元以龍
圖閣直學士司馬光等權知貢舉都官郎中郭顥屯田
郎中趙衆監貢院門屯田郎中范道卿監察御史裏行
劉庠封彌永興軍掌書記呂惠卿三司檢法官李常編
校昭文館書籍沈括編校祕閣書籍顧臨高密廣平西
院小學教授黃履點檢試卷權發遣大理少卿大理寺
詳斷官孟開審刑院詳議官呂孝廉諸科出義大理寺
檢法官陳確大理寺詳斷官李達刑部詳覆官胡援開
封府法曹參軍靳綬司農寺主簿姚舜諧考試國子監
直講黎錞楚王宮教授張叅韓王宮教授李實覆考集
賢校理孫洙陳繹考試知舉官親戚舉人 熙寧二年

八月十四日以祕閣校理同修起居注陳襄集賢校理
王權祕閣校理王介安燾李常館閣校勘劉攽考試開
封府舉人虞部郎中陳偁監門監察御史裏行張戢直
史館蘇軾集賢校理王汾胡宗愈館閣校勘顧臨考試
國子監舉人比部郎中張吉監門集賢校理王益柔祕
閣校理錢藻考試鑠廳舉人都官員外郎許懋監門
三年正月九日以翰林學士承旨王珪等權知貢舉虞
部郎中盧盛職方員外郎徐九思監貢院門監察御史
裏行張戢御史臺推直官張景真封彌祕書郎李清臣
著作佐郎鄧閔甫館閣編校林布西京留守推官蘇轍
國子監直講王汝翼張巨崇文院校書邢恕館閣校勘

蒲宗孟點檢試卷審刑院詳議官王彭朱太簡韓晉卿
刑部詳覆官胡援諸科出義刑部檢法官王圭大理寺
詳斷官邵奎孟璋刑部詳覆官陳端前鄆州中都縣主
簿傅宏殿中丞表廷之祥符縣丞田盛考試刑部詳覆
官朱溫其御史臺主簿錢長卿吳王宮睦親廣親小學
教授張元興宋璋覆考天章閣侍講吳申監察御史裏
行程顥考試知舉官親戚舉人 四月二十五日以兵
部郎中集賢校理王益柔著作佐郎館閣校勘王存考
試武舉進士駕部員外郎陳叔夏監門職方郎中李芬
封彌著作佐郎李大昕許宗舉謄錄對讀 十二月十
四日編修閣門儀制冊所奏諸發解考試對讀官等並

門辭入見殿試官更不見只隨班起居今參詳除知舉
官門辭入見外其封彌發解考試對讀等官只門賜勅
不門辭只門見殿試官更不見只隨班起居欲乞修入
儀制從之 五年八月以監察御史裏行張商英祕閣
校理錢藻館閣校理蒲宗孟太常丞鄧閔甫崇文院校
書張諤考試開封府舉人命集賢校理李定國子監直講龔原沈李
修起居注張琥集賢校理李定國子監直講龔原沈李
長王沈之曾肇考試國子監鑠廳舉人 十二月九日
詔應發解有試於鑠院一月前不許官員乞假出外差
官畢仍舊 六年正月以翰林學士曾布等權知貢舉
虞部郎中胡准職方員外郎穆珣監貢院門權三司戶

部判官張諷監察御史裏行盛陶館閣校勘梁燾封彌
司農寺丞丁執禮流內銓主簿張瑾大理評事葉祖洽
崇文院校書黎侁張諤國子監直講周諶龔原王沈之
孫諤陸佃審官西院主簿舒亶北京留守推官上官均
試將作監主簿陳彥弼新南京國子監教授莫京前南
京宋城縣尉孫鼐并新蔡州汝陽縣主簿趙彥點檢試
卷祕書丞胡援屯田員外郎元凱國子博士傅亶屯田
員外郎虞肇大理寺法直官劉賡諸科出義著作左郎
董唐臣太子中舍徐育邵奎大理寺詳斷官周孝恭刑
部詳覆官湯希言程君陳考試魯王官太學教授胡宗
堯睦親等北宅講書張詳國子博士霍大備著作佐郎

周定辭覆考館閣校勘蒲宗孟黃履考試知舉官親戚
舉人 八年八月以監察御史裏行蔡承禧集賢校理
李定館閣校勘徐禧國子監直講周諶龔原考試開封
府國子監舉人崇文院校書練亨甫權檢正中書刑房
公事王震國子監直講彭汝礪考試鑠廳舉人 九年
正月以翰林學士鄧綰權知貢舉集賢校理同管勾國
子監黃履國子監直講龔原彭汝礪祕書丞周諶參詳
職方郎輩考輔屯田郎中王克存監貢院門御史臺推
直官許儀祕閣校理陳睦館閣校勘虞太熙封彌國子
監直講周常上官均葉濤葉唐懿曹確都提舉市易司
勾當公事歐陽成祕書丞葉誼審官東院主簿陸佃武

學教授文渙國子監丞王白睦州清溪縣令李如燠前
 杭州司法許彥太學正趙叡前安州安陸縣主簿王迪
 殿中丞張須穎川郡王院太學教授王汝翼點檢試卷
 祠部員外郎胡援屯田員外郎李山甫監國子監書庫
 常諤臣光祿寺丞劉賡諸科出義屯田郎中虞肇刑部
 詳覆官陽希言刑部詳議官周孝恭大理寺詳斷官蓋
 士安著作佐郎陳龍輔三司檢法官王振考試都官郎
 中萬公儀祕書丞安宗頤度支主簿王彭年太常寺主
 簿楊傑覆考試 十二日以太子中允崇政殿說書沈
 季長著作佐郎余中考試知舉官親戚舉人 元豐元
 年七月二十五日御史黃康言國子監生員著述論議

盡得講官緒餘將來逐官例差考試切恐去取之際或
未能判然無疑雖未必私徇以辭名實其如衆校所長
多就已見此蓋人情所不能免如此則外方疏遠之人
偶不相合遂致黜落甚非朝廷兼收博采之意臣愚欲
乞將來止選近歲科人為試官或差近郡教授詔候差
官取旨 八月十一日詔自今科場考試刑法並中書
差官 九月三日自今科場奏策問並具撰人職位姓
名先是別頭試官撰策問辭意有不當而不著氏名上
以問中書莫知其誰撰故有是詔二年六月十五日知
制誥張璪光祿寺丞陸佃赴祕書閣考試宗室 五年
正月十二日詔自今毋以大理寺官為試官 六年二

月二十七日三有言國子監公試所策問諸司之務寺
監有所不究寺監之職六曹有所不察六曹之政都省
有所不悉任其責者殆未足以盡小大相維上下相制
之道豈制而用之者法未足與守推而行之者人未足
與朋乃起居郎蔡京撰詔京具所問事理當如何救正
其所取諸生如何者為上等既而京言策之於諸生而
諸生皆未能有至當之論其等上者多以經義為主至
於對問之言或取其文詞而已 八年正月九日以尚
書戶部侍郎李定權知貢舉給事中兼侍講蔡卞起居
舍人朱服同權知貢舉國子司業翟思監察御史邵材
為別試所考試官 三月二十七日以兵部侍郎許將

給事中兼侍講陸佃祕書少監孫寬並權知貢舉右司
諫蹇序辰太學博士黃裳充別試所考試官以遺火再
試也 哲宗元祐三年六月一日翰林學士蘇軾等言
將來科場既復詩賦今來禮部新立條將來經義一員
詩賦兩員者各差一員今欲乞後差試官不拘曾應差
經義舉者專務選擇有詞學人充更不指定員數從之
六年十月二十二日詔今後省試罷差參詳官差知
舉官四員從翰林學士范百鍊請也八年六月五日禮
部言檢準元祐五年二月十六日勅科場新兼詩賦慮
諸路闕詩賦試官其通判內有可差之人亦許差充
十二月二十四日翰林學士范祖禹言伏見祖宗時差

知貢舉官常以晝日入省近歲每宣召知舉官至閤門
須等候其餘官作一番押入或已昏曉則受勅於宮城
門外往往夜深方入試院元豐八年孫覺同知貢舉臣
為點檢官親見覺宿於東華門外衛士榻上天將曉方
隔門受勅而去切惟朝廷差侍從近臣兩省以上官知
貢舉及同知貢舉委以進退天下多士其體不輕而近
世陵遲至此恐非所以觀示四方為國光華也臣欲乞
自今宣知貢舉官到閤門已上令便受勅先次差內臣
一人押入乞下禮部施行從之 紹聖元年正月十八
日禮部言諸州軍就試進士及千人已上差點檢試卷
官二員每增五百人添一員人數雖多不得過六員從

之十九日詔今後禮部貢院以點檢試卷官二十人分屬知舉官使之相通考校從翰林學士范祖禹請也祖禹言切見禮部貢舉差點檢試卷官二十人自來久例點檢官先考校書鑒等第送知舉官然後知舉官再考定去留高下點檢官自入試院未謄錄到卷子以前及將卷子以送知舉官以後別無職事止是中間考校及候知舉考畢然後分定合格卷子點校雜犯故前後空閑之日常多考試點檢之日常少而知舉官以夜繼晝力猶不給臣愚欲乞將點檢官二十人分屬知舉官每員各得屬官五員使之相通考校去留高下可以共議如此則不獨任一人之見又得稍均勞逸必更精密

二十五日右通直郎蔡安持言貢舉勅五百人以上差
點檢官一員既與考官分校然以應黜試卷為中程止
坐點檢官而考官不坐考官將無肯協心考校者欲於
貢舉勅內改點檢為考試官字庶幾條約均一士無遺
濫從之 二年二月二日國子司業龔原等言太學公
試除依元豐舊制差長貳監試輪差博士五員入院外
乞朝廷差官五員同共考試從之 元符二年十月二
十三日起居舍人周常言將來春試更增知舉官一員
參詳官二員使之分力考校從之 三年二月十四日
徽宗即位未改元以尚書吏部侍郎徐鐸權知貢舉給
事中趙挺之賀文閣待制何執中起居郎吳伯舉同知

貢舉尚書司封員外郎朱京太常丞吳綱為別試所考
試官 徽宗崇寧元年十二月六日試給事中王能甫
言陛下明年臨軒親策進士號為龍飛而預試于庭者
皆南省合格之士南省合與不合皆繫於考校官之手
謹按省試點檢試卷官名為點檢實預考校除朝旨選
差外並主司奏辟夫主司苟能盡公而或因親戚或緣
故舊不觀其學術不審其趣向偶有出身遂具聞奏朝
廷因是差焉而一失其人則安在其為取士以稱陛下
龍飛之時哉欲將來點檢官除朝旨選差外令主司於
曾充太學上舍內舍并學諭以上職事人及於殿試第
一甲省試府監發解十八內舉辟如上件人數不足即

以近離科場久有聲稱人所貴考校至精無負多士進
身之望從之五年正月五日以兵部尚書朱諤知貢舉
御史中丞侯蒙吏部侍郎白時中大司成薛昂同知貢
舉起居郎侯綬起居舍人李圖南考試官宗正少卿姚
堯仁祕書少監羅畸辟廱司業余深何昌言禮部員外
郎李夔祠部員外郎畢漸太常博士葉唐稽著作郎王
孝迪祕書省校書郎崔汝文參詳官辟廱博士謝孚俞
棗趙資道太學博士劉安上路確闕旦曾楸點檢試卷
官 大觀元年正月二十三日以吏部尚書余深知貢
舉給事中蔡薳中書舍人霍端友同知貢舉刑部郎中
朱維監察御史楊勛大理正王宗辟廱司業路確校書

郎宇文粹中為別試所考試官 五月二十九日禮部
言宗子博士毛若冲劄子州郡通判合差監試並依差
試官條不得輒有規避如前期在假委監司審察於試
院事更加嚴密應副不到責在郡守看詳監試官已有
不得差出及在假等條將來科舉發解所差監試官如
前期在假更委監司審察其試院關防事件並已有貢
舉條制及應干州郡合應副事自當責在郡守施行從
之 八月十四日發解所差監試官殿中侍御史劉安
上考試官辟靡司業陸蘊國子司業潘允起居舍人余
稟符寶郎鄭南 政和三年正月十九日以朝散郎試
兵部尚書俞稟知貢舉朝請郎給事中宇文粹中奉議

郎試中書舍人張滌並同知貢舉朝奉郎宗政少卿耿
南仲朝奉郎殿中侍御史郭沔奉議郎祕書少監柯棣
奉議郎尚書禮部員外郎黃齋朝散郎祕書丞李邦彥
朝散郎監察御史許尚志承議郎祕書省正字王侯承
事郎議禮局檢討官莫儔並充叅詳官將仕郎太學正
康執權宣德郎辟雍博士盧天驥李隲周因宣德郎太
學博士張愈施垌文林郎太學錄林徽之將仕郎辟雍
錄張穆從事郎國子正顧文並充點檢試卷官朝請大
夫尚書刑部郎中錢歸善宣德郎尚書司封員外郎方
聞通直郎大理寺丞聶宇奉議郎祕書省著作佐郎黃
穎並充別試所考試官宣德郎辟雍錄李才伯文林郎

國子錄黃哲文林郎辟靡正王禮承直郎大理評事高
得仁從事郎國子正事炳並充別試所點檢試卷官

八月十九日臣僚言竊見以謂凡試院之事雖盡在主
司至於關防周悉全籍封彌官謹密詳察號既已定豈
容復有差互臣今月十四日差赴考試吏部參選出官
人考試所拆號開拆到京選人試出官一封而字號是
假將仕郎施堽真字號是假將仕郎宋皋續拆到判字
號又是假將仕郎施堽楷字號疵字號又是假將仕郎
宋皋顯見封彌所並不子細點檢對二人卷子重疊用
號所失甚大伏望重行黜責詔管號官朝請郎周勁特
降兩官依衝替人例施行係公罪事理稍重 五年八

月十八日臣僚言河北東路學事司奏河間府考試官引試上舍出書義題無輕民事惟艱作為難字陛下敕其過失止從薄罰而合格學生張修等四人學事司以其引題用字與本不同恣已駁放今看詳於經意別無違戾欲望定奪其罪詔元出題官特衝替係公罪事理稍重張修等免駁放 七年六月一日新差權發遣提舉河北西路學事司權言乞今後差考試官教授兩員以上者常留一員獨員者勿差則不惟訓迪無闕章程不紊亦所以絕姦弊之端從之繼而臣僚上言諸路州縣有出身官雖比年以來盡出學校然既為州縣有出身官雖文吏則惟簿書期會獄訟錢穀是急回視平日

所學遂成陳迹使當考校之任與平時專以教導為職而朝夕於其間者其為工拙誠不相侔也將元素請諸路差考試官教授兩員以上者常留一員獨員者勿差指揮改正從之八年二月十八日權發遣提舉荆湖南路學事李侗言今後校定官免差入上舍貢院庶使專一管勾從之四月二十六日梓州學事司言瀘州公試上舍題目內有差漏并錯引事述及試經義題目失先後之序除已重別差官前去別行引試學生外所有考試官資州龍水縣尉王行合州司錄錢挺顯不予細出題致有差錯違誤詔行挺並放罷二十八日詔瀘州今春引試上舍考試官出策義題錯誤致學生尤沔

等率眾論訴顯屬失職可並先次衝替仰本路提點刑
獄司疾速根勘具案聞奏其提舉學事官差官不當可
案後收坐取旨施行 十一月一日禮部言保慶軍申
欲今後監試官入院後果有疾病依法同職官先行審
實申知通限當日差醫官看候是實別差官承替許出
院如被差官委託疾病并同職通情保明及醫官看候
不實並乞一等科杖一百私罪 重和二年正月二十
五日詔縣令今後不許差充試官從聶山請也

試官下

徐輯大興無卷數

宣和

元年正月二十一日以御史中丞陸德先知貢舉給事中趙野起居郎李綱同知貢舉參詳官國子司業梅執禮辟廱司業程振吏部員外郎周固祠部員外郎劉彥

適司勳員外郎倪濟膳部員外郎權邦彥祕書有校書
郎胡松年叅詳無點檢試卷官大理寺丞張璞大理寺
正高述牒避親官大理司直任林點檢試卷官校書郎
曹大同九域志編修官翁彥約國子正傅崧卿太學博
士臧瑀曾幾辟癰博士鄭庭勞鄧純亦辟癰錄夏承太
學錄何大圭祕書正字李本國子小學博士申迎文林
郎林閱樊澣新廣親宅宗子學錄李唐俊新湖南學勾
謄葵太學錄劉國瑞太醫局考試點官太醫學司業李
康太醫學同上舍出身林充太醫錄李則翰林醫官梁
燁保痊大夫張公恕保安郎李保仁太醫學博士鄭續
翰林醫診孫琳

三年四五日詔御史中丞陳楊庭近

充殿試覆考官考校精密特賜詔書獎諭 五年七月

五日詔縣丞并常平主管官並特許差充考試等官

六年正月二十三日以翰林學士承旨宣奉大夫知制

誥兼侍講修國史宇文粹中知貢舉朝議大夫尚書吏

部侍郎同修國史王時雍朝奉大夫試中書舍人沈思

降授承議郎試中書舍人兼資善堂直講王絢朝奉郎

左司諫高伯振並同貢舉承議郎尚書水部員外郎龔

端承議郎尚書職方員外郎陳璘朝奉郎尚書禮部員

外郎孫傳朝奉郎尚書職方員外郎胡交修宣教郎尚

書都官員外郎孫觀朝奉郎尚書都官員外郎胡秀實

朝奉郎祕書省著作郎樊察奉議郎尚書禮部員外郎

潘果通直郎祕書省校書郎潘良貴承議郎尚書屯田
員外郎張綱奉議郎開封少尹鄭滋朝奉郎符寶郎周
離亨承議郎大晟府典樂兼國史編修官劉國瑞奉議
郎尚書吏部員外郎王俊入朝奉郎祕書省著作郎康
執權朝奉大夫國子司業黃哲並充貢舉參詳官朝奉
郎祕書省校書郎劉棐朝奉郎諸王府贊讀尤深承事
郎太學博士祖秀寶奉議郎祕書省校書郎郭孝友朝
奉郎諸王府直講黎確從事郎祕書省正字何大圭並
充貢舉點檢試卷官以上續國朝會要 光堯皇帝建
炎四年九月十一日詔利州試官宋愈陳協各特罰銅
十斤臣僚言駐蹕會稽是為首善之地愈出策題諛宰

相為得王佐夏旱秋霖而協以為雨暘時若導諛如此
何以求切直言故有是罰紹興三年十月二十七日臣
僚言科舉之設實用人林之根本而省試最為重事必
於六曹尚書翰林學士中擇知貢舉諸行侍郎給事中
擇同知貢舉鄉監郎官為參詳官館職學官為點檢官
又以御史監察其中故能至公至當厭服士心間因軍
興遂以此權付之諸路漕司所差試官不過數人其選
皆出於漕臣姦弊百端乞今後省試並就行在遴選近
臣付以茲事詔檢坐累降指揮施行四年六月二十
五日詔禮部貢院更添差參詳官一員點檢試卷官二
員別試所更添差參詳官一員點檢試卷官二員

十七日詔今歲科舉權免差知縣縣令充諸郡考試官
以知懷州李擢言今歲應辦大禮錢帛若知縣縣令差
出考試不克付之權官首尾斷絕難以辦集故也五年
六月二十五日以翰林學士孫近知貢舉給事中廖剛
中書舍人劉大中同知貢舉中書門下有檢正諸房公
事呂祉殿中侍御史張絢吏部員外郎董弁禮部員外
郎許搏都官員外郎董將工部員外郎程克俊並充參
詳官祕書省正字李彌正高閌胡瑄張嵎祕書省校書
郎李公懋御史臺主簿閻丘昕御史臺檢法官方庭實
大理寺丞黃邦俊主管官告院宋崇司農寺丞金安節
諸王官大小學教授劉長源錢觀復監尚書六部門孫

蓋太常寺丞王普莊必強將作監丞張宇知大宗正沈
禹卿國子監丞張戒樞密院編修官王鈇李誼樞密院
計議官李雲翼李家並充點檢試卷官大尚書卿陳楠
充別試所考試官司勲員外郎林季仲吏部員外郎范
同樞密院編修官孫汝翼勅令刑定官左時並充點檢
試卷官 七月八日禮部貢院言參詳官張絢為祖母
疾依條先次出院合行補差詔差監察御史周蔡 九
月四日廣南東路漕臣特降兩官以差無出身人陳漢
充封州考試官故也七年五月十三日殿中侍御史石
公揆言乞諸州發解令轉運司取詞賦經義兩等各差
考試官以投試人多少定其數不得鹵莽偏異先期選

合差之人密行核定免致臨時無官可差却將昏老庸
謬之人充數并不許輒有規避及請求免差詔令禮部
行下諸路轉運使司照會 八年四月二十七日以翰
林學士朱震知貢舉給事中張致遠起居舍人勾龍如
淵同知貢舉右司員外郎程克俊吏部員外郎莊必彊
戶部員外郎錢觀復宋瀚祠部員外郎高閌工部員外
郎李良臣監察御史施庭臣黃緩並充參詳官左朝散
大夫李執諸王宮大小學教授施鉅樞密院計議官陳
沃監登聞檢院詹肇樞密院編修官胡銓祕書省校書
郎許忻祕書省正字常明黃衡凌景夏孫道夫主管官
告院徐注幹辦諸司糧料院石嗣慶左宣教郎蔡安強

樞密院計議官李琳左宣教郎馬竑左宣義郎周執羔
黃豐勅令所刪定官方疇臨安府府學教授周孚先左
從政郎石延慶並充點檢試卷官尚書司封員外郎王
鉅充別試所考試官倉部員外郎高儼宗正丞陳確著
作佐郎朱松勅令所刪定官周林並充點檢試卷官
二十八日中書門下奏禮部國子監言程克俊黃豐並
曾充紹興七年國子監發解試官不合更考省試詔考
功員外郎鄭剛中差充參詳官太常博士孫邦差充點
檢試卷官替程克俊黃豐出院 五月十二日詔樓瑋
為貢院對讀官規避妻黨牒試託故出院特降一官
十年十一月二十二日詔諸州遇科場年分封彌謄錄

錄之類先從本州取會見任官有無親戚赴試如別無
應避之人方許差若本州皆有應避親數少人充被差
官不得託故辭免 十一年八月十五日禮部言臣僚
乞科詔下日令逐路漕司先次取會本路知通戶貫並
不許差本任官充本貫試官及監試官本路兩有戶貫
亦令預申運司不得臨期申請若轉運司故違法禁或
本路隱匿戶貫不預申供從朝廷依貢舉已得降指揮
斷罪欲依所乞從之 十二年正月二十四日以給事
中程克俊知貢舉中書舍人王銖右諫議大夫羅汝楫
同知貢舉軍器監劉才邵吏部員外郎江少齊梅魁實
戶部員外郎吳傳刑部員外郎周林比部郎中林保監

察御史施鉅祕書丞孫汝翼並差充參詳官太常丞吳
棧祕書省祕書郎周執羔張漢彥祕書省著作佐郎王
揚英祕書省校書郎程敦厚陳之淵祕書省正字張闡
范雱太常博士吳秉信諸王宮大小學教授石延慶陳
惇持大理司直錢周材大理寺主簿周楸詳定一司勅
令所刪定官周之翰潘良能吳芾凌哲監登聞鼓院孫
傳左朝奉郎勾龍庭實臨安府府學教授許叔微並差
充點檢試卷官刑部郎中晏孝純差新科明法出題參
詳官大理評事袁相差充新科明法點檢試卷官太常
少卿施炯充別試所考試官宗正等丞江邈國子監丞
何許太常博士王言恭御史臺檢法官聞人穎並充點

檢試卷官 十三年三月六日國子司業高閌言舊法
補試係正錄初考博士覆考今學官共置五員若就試
人多闕官分考欲乞遇就及十人以上許差丞簿同考
其封彌職事許本監申吏部差在任有出身官從之
四月七日詔吳鑄考試刑法官出題失當特降一官從
殿中侍御史李文會所劾也閌四月十三日國子司業
高閌言春秋銓試雖分場考校經義刑法其在院事務
自合專歸主司貢舉通用法稱主司者謂監考試官考
試官同以官最高者近來銓試院既分場考校其合行
事務亦分為二乞今後類試所除依見行貢舉條法外
其條所不載者雖有舊例並從主司裁決從之 十四

年四月二十八日詔諸路選差試官如不足或無經術
精通之人即許於見任宮祠中通選從臣僚請也 八
月以右正言何若充國子監發解監試官祕書少監蔣
操吏部員外郎嚴抑戶部員外郎邊知白充考試官詳
定一司勅令所刪定官駱庭芝賈庭佐祕書省校書郎
陳誠之祕書省正字沈介太學博士楊邦彥大學正關
注充點檢試卷官刑部員外郎吳鼎充小院考試官駕
部員外郎葉庭珪將作監主簿施德脩充點檢試卷官

宋會要

卷之十七

紹興十五年正月二十四日以右諫議大夫何若知貢
舉權吏部侍郎陳康伯祕書少監游操同知貢舉右司
員外郎錢時敏吏部郎中王言恭司封郎中李澗吏部
員外郎周執羔司勳員外郎胡洵監察御史黃應南李
棖巫伋並差充參詳官刑部員外郎許太英太常丞王
湛大宗正丞陳惇時大理正李頴士大理寺丞周楸樞
密院編脩官王墨卿魏元若詳定一司勅令所刪定官
陳祥鄧文饒國子監丞文浩諸王宮大小學教授陳孝
恭馬雲夫御史臺主簿陳藹宗正寺主簿詹棧監進奏
院余克弼幹辦諸司糧料院沈虛中監登聞鼓院范彥

輝國子直主簿陳彥脩大學錄王之望國子正馬諤浙
西安撫司准備差使鮑同並差充點檢試卷官駕部負
外郎孫傳充別試所考試卷官大理寺丞周贊祕書省
正字黃公庭臨安府府學教授錢密國子監書庫官孫
仲鼈並充點檢試卷官十七年八月以監察御史宋
敷朴充國子監發解監試官司封負外郎湯思退司勳
負外郎沈介祠部負外郎陳誠之刑部負外郎吳果充
考試官樞密院編修官唐稷詳定一司勅令所刪定官
喻彥先曹筠國子監丞陳孝恭祕書省正字孫仲鼈太
學博士王之望國子正馬諤國子錄吳武陵充點檢試
卷官諸王宮大小學教授林大鼎充國子監小院發解

官時以附銓試院小院止差一員 十八年二月十二

日以吏部侍郎遷知白知貢舉權禮部侍郎周執羔右

正言巫伋同知貢舉左朝奉大夫鄭弼司農寺丞周莊

仲國子監丞沈虛中左朝散郎周林祕書省正字葛立

方御史臺主簿陳叢太常寺主簿林大鼎宗政寺主簿

王葆並差克參詳官監尚書六部門張頴監登聞檢院

余仔太常博士蔡宰詳定一司勅令所刪定官 丁妻

明國子監丞李琳諸王官大小學教授葉琳皇太后宅

教授秦從周大理評事蔡塤大府寺主簿余賓興幹辦

諸司審計司湯允恭左承議郎郭彥參黃汝能主管官

告院章夏左宣教郎祝閑錢密元益王悅臨安府府學

教授何溥知臨安府仁和縣方升之左迪功郎孫良輔
並克點檢試卷官殿中侍御史余堯弼克別試所考試
官樞密院編修官林機幹辦諸司糧料院謝邦彥監行
在左藏庫鍾世明監行在雜賣場鮑同並克點檢試
卷官二十年八月以監察御史湯允恭充國子監發
解監試官祕書少監湯思退中書門下省檢正諸房公
事陳叢吏部員外郎沈虛中充考試官宗正寺丞王葆
國子監丞李琳祕書省校書郎葛立方祕書省校書郎
孫仲鼈太學博士吳武陵太學錄周麟之克點檢試卷
官監察御史林大鼎充小院考試官祕書省著作郎林
機詳定一司勅令所剛定官魏師遜充點檢試卷官

二十一年三月七日以權禮部侍郎陳誠之知貢舉殿
中侍御史湯允恭右正言章夏同知貢舉左朝議大夫
劉將吏部郎中沈虛中左朝奉大夫洪興祖禮部員外
郎林機左朝請郎邱礪左朝散郎王揚英太常博士丁
妻明祕書省校書郎孫仲鼈並差充參詳臣左朝散大
夫吳棨浙西安撫司主管機宜文字余時入大理寺丞
謝邦彥詳定一司勅令所刪定官魏師遜將作監主簿
施彥輝監尚書六部門鍾世明幹辦諸司審計司史祺
孫左朝奉郎黃輅國子監主簿史才太學博士吳武陵
新通判廣州羅長民權知臨安府錢塘縣事魏憲左承
議郎富元衡左奉議郎林仲熊左宣教郎朱三思太學

錄周麟之監行在文思院下界門王復監行在贍軍激
賞西酒庫林安國左文林郎季南壽臨安府府學教授
何溥並差充點檢試卷官左朝議大夫余應永充別試
所考試官左朝請郎劉無極新通判婺州王鞏左承議
郎葉義問臨安府府學教授王綸充點檢試卷官 二
十三年八月以監察御史胡襄充國子監發解監試官
吏部郎中沈虛中祕書省校書郎董德元祕書省校書
郎王佐充考試官諸王宮大小學教授王義朝司農寺
丞鍾世明諸王宮大小學教授王綸大理寺正謝邦彥
左承議郎王之望宋似孫充點檢試卷官太府寺丞史
祺孫克小院考試官國子監主簿鄭仲熊左文林郎鮑

彪充點檢試卷官 二十四年正月十九日以御史中丞魏師遜知貢舉權禮部侍郎湯思退右正言鄭仲熊同知貢舉吏部郎中沈虛中祕書省著作郎丁妻明祕書省校書郎董德元太學博士王義朝宗正寺主簿張士襄諸王宮大小學教授劉珙左朝請大夫孫蓋左朝請郎陳孝則左宣教郎張扶並充參詳官左承議郎林邁臨安府府學教授王復左奉議郎元益左宣教郎石邁余翔翬相左儒林郎黃士龍左從事郎李綱左從政郎周之翰商言詩戴覺左迪功郎王常素觀曹明之何泳周直清王執中張之岡包府並差充點檢試卷官左朝請大夫木楹充別試所考試官左朝奉郎范津左宣

教郎魯登兩浙西路安撫司準備差使張允恭臨安府
監官縣主簿周曰並充點檢試卷官 二十六年正月
九日殿中侍御史湯鵬舉言近年試官容私公道不行
故孤寒遠方士子不得預高甲而富貴之家子弟常竊
巍科將期預差試官以通私計而知舉考試官皆登貴
顯天下士子歸怨國家伏乞申嚴革去容私之弊挾書
代筆繼燭必欲盡禁封彌立號謄錄必欲依條考校定
去留分高下必欲至公如知舉參詳考試官臨期御筆
點差以復祖宗至公之法從之 三月十五日詔諸路
轉運司所差發解試官務在盡公精加選擇如所差徇
私及庸繆不當令提刑司按劾御史臺禮部覺察聞奏

八月以殿中侍御史周方崇充國子監發解監試官

秘書少監楊椿國子司業王太寶元考試官秘書省著作郎沈介吏部員外郎沈介元

考試官秘書省著作郎周麟之國子博士王晞亮秘書

省校書郎王綱中秘書省正字張孝祥太學博士何備

國子正陳天麟充點檢試卷官監察御史樊光遠充小

院考試官太府寺丞方師尹國子錄周操充點檢試卷

官閏十月九日詔鄂州通判任賢臣監試不職容縱

舉人假手傳義特降一官進士王昌言論試官庸繆不

實有害士風特送鄰州編管二十七年正月九日以

御史中丞湯鵬舉知貢舉中書舍人王綸起居郎趙逵

同知貢舉樞密院檢詳諸房文字劉章尚書倉部郎中

黃祖舜尚書吏部員外郎張洙尚書刑部員外郎邵大
授監察御史何溥監察御史王珪祕書省校書郎唐文
若祕書著作佐郎黃中並差充參詳官樞密院編修官
潘莘太常博士張庭實諸王宮大小學教授婁瑋陳常
祕書省校書郎季南壽祕書省正字汪徹胡沂葉謙亨
御史臺檢法官褚籍宗正寺主簿祝閔國子監主簿方
淑皇太后宅教授左瑤皇后宅教授林同太學正胡靖
史浩國子錄注賁太學錄范成象主管尚書吏部架閣
文字王淮新明州教授郊次雲並充點檢試卷官右正
言凌哲充別試所考試官太宗正丞喻樗祕書省正字
林之奇太常寺主簿任文薦太學博士鮑彪並充點檢

試卷官 二十九年三月一日詔今後四川類省試用
九月十五日鑠院朝廷於帥臣監司內選差監試考試
官各一員於鑠院二十日前用金字牌遣降在院官吏
如有挾私違戾令監試官徑行劾奏餘官制置司精加
選差以吏部侍郎周紹言四川類試之弊乞選差行在
清望官充監試以路遠不可差故有是詔十九日禮部
侍郎孫道夫言四川類省試別試所亦乞自朝廷選差
監試考試官各一員從之 七月四日詔四川類省試
院監試官差成都府轉運副使王之柔考試官差知嘉
州何逢原別試所監試官差知邛州費行之考試官差
知榮州李燁令王剛中將逐官差劄酌度鑠院日分給

付候指揮到日起發入院供職監試官依監學條法取
摘試卷詳定如監試官有故即所差考試官兼監試職
事 二十七日諸路運司今後遇考試闕官合差縣丞
須先期申畫指揮備坐移牒如無許差指揮聽縣丞遵
依專法繳納差牒不行在法縣丞不許差考試先是間
有闕試官處漕司嘗申乞差一次自後每舉必繫吏部
以為違法差出破壞考第臣僚申明故有是詔八月以
侍御史朱倬充國子監發解監試官秘書省少監任古
吏部員外郎胡沂祠部員外郎張洙充考試官國子監
博士陳豐秘書省校書郎陳之茂秘書省正字查籛太
學博士李薦詳定一司勅令所刑定官李浩太學正林

栗充點檢試卷官考功員外郎陳棠充小院考試官樞
密院編修官劉藻主管官告院王淪充點檢試卷官

三十年正月九日以御史中丞朱倬知貢舉右諫議大
夫何溥起居郎黃中同知貢舉大理少卿張運吏部郎
中楊朴工部郎中張庭實吏部員外郎虞允文吏部員
外郎洪邁司勳員外郎陳俊卿比部員外郎沈樞監察
御史沈濬並差充參詳官太府寺丞馬騏太常博士杜
莘老樞密院編修官陳良祐諸王宮大小學教授王必
中祕書劉珙祕書省校書郎王淮祕書省正字劉度馮
方御史臺檢法官張闡司農寺主簿陳橐太學博士謝
筮武學博士朱熙載太學正程大昌國子正張恢勅令

所刪定官唐開主管官告院嚴致明主管禮兵部架閣
文字王東里主管刑工部架閣文字程千里提轄雜買
務雜賣場左友德點檢酒庫所主管文字錢豫並差克
點檢試卷官監察御史任文薦克別試所考試官知大
宗正丞祝公達國子監丞余時言太學博士鄭聞國子
錄鄒樗充點檢試卷官 二月七日詔監察御史任文
薦與外任先是文薦為禮部貢院別試所考試官時福
州進士劉度吳漸偁文薦與同本貢不即依條扶出止
今移往廉前仍舊收試故也同日四川安撫制置使王
剛中言類省試已從朝廷選差監試考試官所有特奏
名進士試院亦合從朝廷選差詔監試官差利州路轉

運判官蘇欽考試官差知簡州房與之監試官取摘試
卷同共詳定以上中興會要 紹興三十二年八月五
日壽皇聖帝已即位未改元國子監發解命監察御史
周操監宗正少卿劉度國子司業陳棠考試太府寺丞
魏杞太學錄鄭升之點檢試卷 是歲四川類省試詔
成都府路轉運判官何逢原監試知邛州房與之考試
權知眉州范仲愷別試所考試兼監試 壽皇聖帝隆
興元年正月九日命翰林學士承旨知制誥洪遵知貢
舉試兵部侍郎周葵試中書舍人張震同知貢舉祕書
少監胡銓吏部郎中楊民望司勳郎中宋似孫都官郎
中錢揆吏部員外郎吳龜年工部員外郎魏杞監察御

史陳良翰為煒參詳官祕書丞唐閱太府寺丞陳天麟
 樞密院編修官尹穡著作佐郎龔茂良國子監丞王悅
 諸王宮大小學教授吳祗若大理司直惠迪將作監丞
 鄒樞軍器監丞張之剛祕書省正字王東里方翥張宋
 卿御史臺檢法官鄭丙司農寺主簿陶去泰武學博士
 劉敦義國子錄高適臨安府府學教授陳禾監登聞檢
 院軍時監太平惠民和劑局范成大權行朝權貨務都
 茶場潘應明主管吏部架閣文字俞畢主管刑部架閣
 文字劉大辯臨安府府學教授莫冲點檢試卷 同日
 右正言周操言天下之事當權輕重而為之不可執一
 國家三歲省闈取士近年以來多以臺諫長官為知舉

蓋重之也此日處置邊事務各機宜蓋當以邊事重於
禮闈可也所有知舉官欲望朝廷於翰苑六部兩省官
內選差乞存留臺諫官在外相與參酌事宜樞密院官
屬不可暫闕仍乞不令入院兼今歲緣免舉赴省人數
至多與常歲不同其所差官欲望量加添增所貴依時
開院不致滯留從之添參詳官二員點檢試卷官四員
別試所點檢試卷官添二員二年三月十三日銓試
公試類試命監察御史閻安中監視吏部郎中楊民望
兵部郎中吳龜年大理寺掾長吉考試大理丞章譚太
常博士何俛大理評事張綬鞏衍祕書省正字莫冲張
宋卿武學博士劉敦義國子監主簿卓時國子正程宏

考試點檢試卷

七月二十四日右正言晁公武言今

歲四川銓試就潼川府鑠院懷安軍教授馬知退監試
潼川府銅山縣主簿樂純考試潼川府司戶高昱監門
知退私其鄉人樂純私其同官之子皆中高選高昱則
傳送假筆程文又以所轉程文交互販賣事狀顯露凡
十餘人人用賕三百緡皆監試官監門分取之及揭榜
衆論沸騰各付於理然猶未竟望以見事各免所居官
趣結案以聞從之乾道元年三月二十五日銓試公試
類試命監察御史程叔達監試國子司業閻安中吏部
員外郎梁克家大理丞蔡洸考試太府寺丞鄒櫟祕書
丞劉貢武學博士劉敦義大理評事徐子寅吳子康燕

世良祕書省正字施師點國子監主簿昌永大學正胡
元質考試點檢試卷 七月七日廣南西路轉運司言
本路二十五州軍府先申明朝廷將比近州併置試院
外靜江府等處及本司共置試院十四緣地里僻遠少
有出身文官舊例每試院差考試二員合差二十八員
本路出身官今止二十四員闕少四員無官可差今欲
差特奏名文學出身人添同考試又緣有礙見行貢舉
係法深慮差那不行狀乞詳酌指揮禮部看詳欲將特
奏名文學權差試官一次從之 八月五日國子監解
發命監察御史張_知剛監試國子司業汪洵吏部員外
郎魯訢將作監丞苗昌言考試知大宗正丞芮輝祕書

郎鄭升之正字胡元質太學博士吳蘊古國子監主簿
昌永行國子正黃鈞點檢試卷祕書丞劉貢別院考試
國子錄關耆孫太學錄范端臣點檢試卷是歲四川
類省試詔權潼川府路轉運副使何逢原監試直敷文
閣知遂寧府馬騏權知漢州張行成別試所監試權知
眉州晁公遡別試所考試二年正月九日命中書舍
人直學士院蔣希知貢舉權戶部侍郎林安宅起居舍
人梁克家同知貢舉宗正少卿胡沂祕書少監陳巖肖
吏部員外郎汪大猷戶部員外郎王伯庠監察御史張
敦實單時司農寺丞沈洵著作佐郎黃石參詳太常博
士徐良能樞密院編修官李遠國子監丞邱鐸國子博

士李彥穎秘書省正字梁介王衛施師點宗正寺主簿

劉大辯武學博士李簡能國子正龔滂臨安府府學教

授蔣繼周嚴煥左承議郎林信厚新江州通判郊升卿

監行在樞貨務都茶場潘慈明左承務郎曾元監潭州

南嶽廟吳湯輔吏部架閣文字萬鍾戶部架閣文字葉

份監行在文思院上界鄭昂點檢試卷 四月二十七

日銓試命考功員外郎程大昌大理正吳交如考試大

理評事徐子寅單夔張綬秘書省正字王衛考校點檢

試卷 三年三月二十六日銓試類試命監察御史敦

實監試國子司業程大昌考功員外郎沈復刑部郎中

王彥洪考試知大宗正丞唐孚大理丞徐子寅著作佐

卽黃鈞大理評事單夔梁總祕書省正字李遠武學博士楊興忠國子監主簿汪若思國子錄馮仲夷考校點檢試卷 十月十二日太學博士吳飛英言諸州考試官以進士有出身者充意者止謂見任人近乃有差寄居不差見任之弊止欲應副食閑之人轉運司每遇大比括責所部可充試官鄉貫及有產業親戚去處誠恐所差之地或有妨嫌近乃有指地求差之弊甚者一道十州供具八州有嫌若是二弊士論切齒為日已久欲乞自今諸道考試官並止於所部見任中選差如或不足舊例所差之數不過少展考試程限不必拘一月開院之例則事無不辦而考官所供避嫌州數大率三分

及二分以上者即不必差其有托辭指地求差者許漕
臣按勅寘之典憲從之 四年三月二十一日銓試公
試類試命監察御史李簡能監試國子司業程大昌吏
部員外郎李浩刑部郎中王彥洪考試大理正賈選太
常丞劉李裴知大宗正丞唐孚國子博士陳損大理評
事燕世良周階祕書省校書郎范端臣太學正陳騏武
學諭章謙考校點檢試卷 四月三日淮南路轉運司
言本路赴試舉人楊真通秦楚州郵軍六郡置試院計
合差考試官十二員本路有出身知縣幕官於鑠院前
見任止計五員委分差考試不足禮部看詳於許淮南
於江浙近便州軍選差淮東即差常州鎮江府淮西即

差太平池州官仍先具合差官數牒逐路令留關報淮南從之五月二十八日淮南路轉運司言今歲科與淮南合差試官十五員所管八州軍見任有出身官止五員分差不足具申朝廷許於江浙近便州軍選差淮東差鎮江府常州官淮西差池州太平州官切慮逐路所定州府有出身官員數有限雖本司臨期詳擇又恐本路士人巧生弊倖預有憑托致艱於關防欲望詳酌將東西兩路所差考試官前期互行關會各據實用員數許於鎮江府常州太平州池州官內通融選差庶幾員數稍寬不致闕事兼可關防士子僥倖請託之弊從之是歲四川類省試詔權成都府路轉運判官鄭丙

監試權利州路轉運判官梁介考試權成都府路提點
刑獄公事張行成別試所監權發遣簡州闕者孫別試
所考試 八月五日國子監發解命監察御史李簡能
監試國子司業程懃懃吏部員外李李浩鄭伯熊考試
祕書郎李木國子司業陳損國子正潘叔憲太學正陳
騏幹辦行在諸軍審計司徐宅主管官告院徐大忠點
檢試卷考功郎中張敦實別院考試國子錄鄭汝諧太
學錄沈清臣點檢試卷 五年正月九日命吏部尚書
兼侍讀兼權翰林學士汪應辰知貢舉給事中兼直學
士院梁克家右諫議大夫兼侍講陳良祐同知貢舉祕
書少監汪大猷司農少卿胡裒禮部員外郎李燾兵部

負外郎晁公邁都官郎中陶去泰金部負外郎芮燁國
子監丞陳禾著作佐郎劉季棻參詳樞密院編修官施
元之祕書省校書郎龔興宗劉惇國子監主簿廬傳霖
大學正錢侯國子正許鳳監左藏南庫劉國瑞臨安府
府學教授周祐行在樞貨務都茶場陳從古右從政郎
鄭曷太學正樓鏐左通直郎施知彰新潼川府府學教
授朱璠左迪功郎陳善御史臺主簿宋敷書諸王宮大
小學教授胡鑄左從政郎張駒左從事郎袁樞監潭州
南嶽廟程宏圖點檢試卷六年二月二十五日銓試
公試類試命監察御史羅羣監試國子司業芮燁禮部
負外郎鄭曷刑部郎中王次山考試祕書省著作佐郎

唐元宗正字趙汝愚林光朝武學博士劉敦義國子監主簿盧傳霖太學正薛元鼎考校點檢試卷官 十月六日國子司業芮燁言本監補試已折號放榜所取試卷寧國府汪琚於第七韻落韻正係燁分考試卷內所取人數欲望將汪琚駁放仍將燁罷黜中書門下省檢準紹興御試貢舉令點檢試卷官專點檢雜犯不考詔汪琚駁放點檢試卷官薛元鼎特降一資文獻通考乾道六年詔自今諸道試官皆隔一即選差後又令歷三郡合符乃聽入院防私弊也七年二月二十五日銓試公試類試命監察御史劉季棻監試國子祭酒芮燁司農寺丞留正大理正胡仰考試祕書郎許克昌太常博

士邱玉國子博士楊萬里大理評事陳凍俞子陵吳宗旦秘書省正字丁時發唐仲友武學博士孫顯祖考校點檢試卷 七月十七日兩浙路轉運司言紹興重修貢舉令試院以本州通判監試若無或闕若以次官今臨安府府學罷通判未審合差何官充監試詔差推官八月五日國子監發解命監察御史陳舉善監試國子司業劉焯將作少監蕭燧太府寺丞錢侯考試諸王宮大小學教授陳居仁太常寺主簿趙粹中國子正業蕭武學諭呂昌太學錄事樞梁汝永點檢試卷知大宗正丞劉敦義別院考試太學正沈揆主管戶部架閣文字賈偉點檢試卷 十一月二十八日詔四川類省試

院進題目考試官何者仲所撰第三場第三道策題用
事差錯特降一官放罷今後不差克試官是歲四川
類省試詔直祕閣權知瀘州梁介監試潼川府路轉運
判官何熙志考試直敷文閣知潼川府馬騏別試所監
試權潼川府路提點刑獄公事楊祖職別試所考試
八年正月九日命翰林學士知制誥兼侍讀王曠知貢
舉中書舍人趙雄侍御史葉衡同知貢舉太常少卿黃
鈞將作監劉季襄監察御史顏度太常丞趙思司農寺
丞留正著作郎楊朝朝楊興宗著作佐郎趙汝愚參詳
祕書丞尤袤祕書郎蕭國梁樞密編修官崔淵勅令所
刪定官楊恂王質王公衮國子博士木待問祕書省校

書郎丁時發正字呂祖謙唐仲友蔡戡御史臺主簿柴
衛宗正寺主簿王卿月國子監主簿邵說太學博士姚
宗之太學正陳自修國子錄沈瀛主管吏部架閣文字
曾植主管禮部架閣文字俞光疑監軍器所門李嘉言
點檢試卷大理寺丞吳淵主管牒試避親 六月六日
銓試命將作少監蕭燧大理丞晏綬考試大理評事俞
子陵王嘉謨陳倚司農寺主簿蔣繼周考校點檢試卷
九年二月二十五日銓試公試類試命監察御史陳
舉善監試國子司業林光朝祕書郎蕭國梁大理丞晏
綬考試知大宗正丞劉敦義宗正寺丞錢侯著作佐郎
木待問國子博士黃鈞大理評事呂公進沈公孫俞徵

秘書省正字陳自修武學諭孟經考校點檢試卷以上
乾道會要

徐輯大興縣志卷數